

Paulo remimombe'ukwe Filemom pegwarā epístola de Paulo a Filemom

¹ Xe, Paulo, Hesu rehewa nhe'ẽ amombe'u meme-gwi ko'ãy aime ko'a-py preso. Timóteo opyta xe ndive xe moirũ hagwā rei. Ko'ãy araha uka-ta peteĩ kwatia-py nhe'ẽ nde-vy gwarā. Nde, Filemom, ore irũ tee voi, ore rembihayhu va'e voi nde. Ore ramigwa ave nde eremombe'u mbe'u Hesu Cristo rehewa nhe'ẽ ereiko-vy. Ko va'e nhe'ẽ ahai-ta nde-vy gwarā. ² Ne ndive oime va'e kwéry pegwarā ave. Oime nipo ra'e Hesu rerovi-aha kwéry ne ndivegwa. Oime ra'e Áfia ne ndive. Ha'e ojerovia tee-ma ave Hesu-rehewi opyta-ma xe-vy xe reindy-rami. Oime ra'e Arquipo. Ha'e ore irũ oiko-vy omombe'u meme-gwi Hesu Cristo nhe'ẽ. Oime ave ra'e gwī nde ha-py onhomboaty aty meme va'e Hesu Cristo-pe omboete hagwā. Íxupe kwéry gwarā ave ahai-ta ko va'e kwatia.

³ Nhandejáry Tupã Nhande Ru katu tapende rexakwaa rei. Tapene mbopy'agwapy ave. Nhandejáry Hesu Cristo ave tapende rexakwaa rei. Tapene mbopy'agwapy ave.

Filemom oporohayhu ojerovia-gwi Hesu-rehe

⁴⁻⁵ Xe atimã meme voi Nhandejáry-pe nde-rehe Filemom. Nhandejáry-pe ajapo ramo oração, xe mandu'a meme va'e voi nde-rehe. Xe ahendu nhe'ẽ porã ne rerakwā. Nde, erehayhu tee voi Nhandejáry Hesu-rehe ojerovia va'e kwéry-pe. Xe

ne rerakwā porā ahendu ramo avy'a voi. Upéixa avy'a aikwaa ramo nde erejerovia porā Nhandejáry Hesu Cristo-rehe. Ambojeupi ramo Nhandejáry-pe xe nhe'ẽ xe mandu'a meme voi nde-rehe.

⁶ Ajerure íxupe nhane pavē-gwi nhane mo'arandu porāve rāve hagwā Hesu Cristo remime'ēgwe-rehe. Ore, nde ave jajerovia Hesu Cristo-rehe. Peteíxa nhaime-gwi indive, Nhandejáry ohoasa vasa nhande-vy nhande rekove. Upe jeovasa Nhandejáry nhande-vy ome'ẽ va'ekwe jaikwaa porāve rāve hagwā ajerure íxupe.

⁷ Xe ryvy-rami voi xe-vy ereiko, Filemom. Xe aikwaa-ma ramo ne rerakwā porā xe mongyre'ŷ-ma voi xe ave xe mbovy'a tee-vy eremongyre'ŷ-gwi gwī Nhandejáry-rehe ojerovia va'e kwéry-pe. Upéa-gwi xe avy'a voi.

*Paulo ojerure Filemom-pe omogwahē porā jevy
hagwā gwembigwái Onésimo-pe*

⁸ Xe, Paulo, Cristo nhe'ẽ aikwaa porā-gwi ome'ẽ arā ne rembiaporā amombe'u hagwā nde-vy. Ha xe katu nda'e mo'āi joty ne rembiapo porārā-rehe. Erejerovia porā-gwi Nhandejáry-rehe, xe ndajepy'apýi voi nde-rehe. ⁹ Nhandejáry Hesu Cristo rembigwái voi xe. Inhe'ẽ amombe'u-gwi aime preso ko'āy. Aikwaa erejapo arā xe remimbota. Orohayhu eterei-gwi ae xe ndorojokwaiséiry voi.

¹⁰ Ajerurese mate nde-vy ne rembigwaikwe Onésimo-rehe. Ha'e-ma preso aime ramo amombe'u va'ekwe íxupe Nhandejáry Hesu Cristo nhe'ẽ. Āy ha'e ojerovia-ma ave Hesu Cristo-rehe. Upéa-gwi ko'āy xe ra'y-rami voi areko íxupe. ¹¹ Yma nipo araka'e ha'e natembigwái porāi voi nipo

araka'e nde-vy. Ko'āy katu xe pytygwō porā voi oiko-vy. Xe-vy xe pytygwō porāha-rami ave ha'e ne pytygwō porā arā nde-vy. ¹² Amondo jevy-ta íxupe nde róga-py āy. Xe rembiayhu voi Onésimo. Ogwahē ramo nde róga-py ani ae ne mandu'a teĩ hembiapo vaikwe-rehe. Xe-vy xe mogwahē porāha-rami ave emogwahē porā katu íxupe igwahē iho ramo.*

¹³ Ha'e jepe kuri xe xejéupe Onésimo oiko meme hagwā xe ndive. Upéixa ramo ae ne rembiaporāgwe ha'e ojapo va'erā xe ndive ko'a-py. Nhandejáry Hesu Cristo rehewa nhe'ẽ amombé'u meme-gwi xe moĩ-ma a-py preso. Onésimo opyta ave preso-gwi xe moirū a-py. ¹⁴ Aipota peve rei opyta xe ndive Onésimo. Nde ae xe rexakwaa ramo ereme'ẽ arā xe-vy. Aikwaa voi xe nde naxe nhe'ẽ mbojevýi arā ha upéa-gwi xe ndajerureséiry. Nde py'a gwive ae ereme'ëse ramo ereme'ẽ arā xe-vy.

¹⁵ Xe ha'e-ta nde-vy: Ikatu arā ja'e Onésimo-rehe. Ha'e sapy'a ete osẽ araka'e nde róy-gwi. Ko'āy oike jevy nde róy-py oiko meme jevy hagwā ne ndive.

¹⁶ Ko'āy oho ramo nde róy-py ha'e, ndaha'evéi-ma tembigwái ramo anho mate oiko hagwā. Nhanderami ave-ma oiko-gwi, ko'āy Hesu Cristo-rehe ojerovia-gwi, nhande ryvy mirī-ramima jahayhu tee arā íxupe. Xe ahayhu tee voi íxupe. Nde katu xéhegwi erehayhuve va'erā íxupe. Ne ndive oiko-gwi, Hesu-rehe ojerovia-gwi ave erehayhuve va'erā íxupe.

¹⁷ Xe-rehe ere ramo “Paulo xe irū voi”, xe rerekoha-rami ave ereko Onésimo-pe. Xe-vy xe

* ^{1:12} Cl 4.9

mogwahēha-rami joty emogwahē porā katu íxupe.
¹⁸ Sapy'a osē ramo araka'e oho-vy nde róy-gwi. Ojapo vai nipo araka'e nde-rehe. Oreve para'e nde-vy. Oreve ramo nde-vy, xe ae apaga arā nde-vy ireveha. ¹⁹ Xe Paulo, xe po-rupi ahai nde-vy amondo hagwā ko xe nhe'ẽ. Oreve ramo nde-vy Onésimo, apaga arā nde-vy ireveha. Xe natekotevēi oromomandu'a gwī va'e-rehe: nde erereve va'e-rami erepyta xe-vy. Xe-rehe ha-py ereiko-ma nde Hesu reroviaha ramo. ²⁰ Opa xe rembijerure erejapo ramo xe-vy, upéixa ramo xe mbovy'a va'erā. Aipota xe rembijerure erejapo xe-vy, Hesu Cristo-rehe erejerovia-magwi xeramima ave ereiko. Upéixa ramo xe mbovy'a arā, peteīxa Hesu-rehe jajerovia-gwi.

²¹ Ko'a-rami ahai nde-vy xe nhe'ẽ. Aikwaa porā voi xe ne nhe'ẽngendu voi nde. Upéa-gwi xe rembijerure-gwi erejapove va'erā voi xe-vy. ²² Ko'ãy katu ajerure ambue va'e-rehe nde-vy erembosako'i hagwā xe-vy nde róga-py aha ramo upé-py ake hagwā. Aikwaa voi pembojeupi meme ramo Nhandejáry-pe pene nhe'ẽ xe-rehe, voi asẽ jevy arā ko'a-gwi aha jevy hagwā pende ha-py.

Paulo, inhirū kwéry ndive, omondo omandu'aha

²³ Epafras, Hesu-rehe ojerovia-gwi ha'e ave oĩ preso xe ndive ko'a-py. Ha'e ave omondo-ta nde-vy omarandu. ²⁴ Xe irū kwéry, Marcos, Aristarco, ha Demas, Lucas, ha'e kwéry xe moirū rei va'e voi. Ha'e kwéry ave omondo-ta nde-vy omarandu.

²⁵ Tapende rovasa porā porā katu Nhandejáry Hesu Cristo pende rexakwaa rei-vy. Pende py'a gwive tapende rovasa.

Nhandejáry Nhe'ẽ New Testament in Kaiwá (BR:kgk:Kaiwá)

copyright © 2006 Wycliffe Bible Translators, Inc.

Language: Kaiwá

Translation by: Wycliffe Bible Translators, Inc.

Copyright Information

© 2006, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Kaiwá

© 2006, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-27

PDF generated using Haiola and XeLaTeX on 11 Nov 2022 from source files
dated 29 Jan 2022
7ba4d793-0e4f-5efd-8f91-509f2a6d9f6a